


Markaðspunktur í dag:

- Vöruútflutningur í hámarki

Vöruútflutningur í hámarki

Nýjustu tölur frá Seðlabankanum um greiðslujöfnuð gefa til kynna að á þriðja fjórðungi þessa árs hafi viðskiptaafgangurinn, án áhrifa gömlu bankanna, verið um 40 ma. kr. eða 240 m. EUR. Aukinn útflutningur leikur þar stórt hlutverk, en virði útfluttra vara er í sögulegu hámarki (einnig ef útflutningur í evrum og á föstu verðlagi er skoðaður). Þrátt fyrir það vegur innflutningur þó að jöfnuðinum en innflutningur bæði vöru og þjónustu hefur aukist talsvert milli ára. Þó ber að geta þess að innflutningurinn kemur frá lágum grunni sögulega séð. Ljóst er að hluti af sértækum aðgerðum hins opinbera er snúa að heimilum hefur þannig leitt til aukins innflutnings og e.t.v. hvatt til fleiri utanlandsferða (sem koma að hluta til fram í innflutningi þjónustu) og draga því að einhverju leyti úr vöru- og þjónustujöfnuðinum.




Heimild: Seðlabanki Íslands
*Með Actavis

Munar um þátt ferðapjónustunnar í þjónustujöfnuði

Á mynd hér fyrir neðan má sjá þróun vöru- og þjónustujafnaðar. Innflutningur vöru og þjónustu í heild jókst um 20% milli ára á síðasta fjórðungi. Síðastliðin ár hefur hlutur þjónustujafnaðar í viðskiptajöfnuði aukist en það má m.a. rekja til aukins ferðamannastraums til landsins. Þessi áhrif koma eðlilega sterkast fram á öðrum og þriðja ársfjórðungi þegar ferðamannatímabilið stendur sem hæst. T.a.m. stóðu þjónustuviðskipti undir rétt tæplega helmingi af viðskiptajöfnuði á þriðja ársfjórðungi, þrátt fyrir að þjónustujöfnuður minnki frá sama ársfjórðungi í fyrra um 5%, skv. tölum Seðlabankans. Leikur þar stórt hlutverk aukinn innflutningur þjónustu frá því í fyrra, en um 22% aukning (15% aukning í evrum talið) hefur orðið í þjónustuinnflutningi á sama tíma og útflutningur þjónustu jókst um 14% milli ára (8% í evrum talið). Auknar utanlandsferðir Íslendinga gætu verið ein skýring þessa en eins og greiningardeild hefur áður bent á hefur utanlandsferðum landans fjölgað talsvert á ný frá hrúni, en það


sem af er ári hefur mátt merkja 15% aukningu í fjölda íslenskra ferðamanna í Leifstöð frá árinu 2010.



Heimild: Seðlabanki Íslands

Aukin einkaneysla og fleiri utanlandsferðir en hvað með fjárfestinguna?

Aukning í einkaneyslu hefur að miklu leyti haldist í hendur við aukinn innflutning, bæði vöru og þjónustu. Aukinn innflutningur vegna einkaneyslu mun að öðru óbreyttu draga úr viðskiptaafgangi. Ef innflutningur eykst sökum innfluttra fjárfestingavara er ljóst að aukning í fjármunamyndun mun vega upp neikvæðari þátt innflutnings á hagvöxt með auknu framlagi sínu til landsframleiðslunnar.



Heimild: Hagstofa Íslands og Seðlabanki Íslands

Nauðsynlegt er að styðja við framleiðslu og fjárfestingu í landinu en vöxtur í þessum greinum mun stuðla að sjálfbærum hagvexti. Tímabundnar einkaneysluaðgerðir sem leiða einvörðungu til aukinnar einkaneyslu innfluttra vara munu ekki stuðla að langtíma hagvexti hérlandis.

Markaðspunktar Greiningardeildar Arion banka

Davíð Stefánsson	davidst@arionbanki.is	444-6965
Fannar Jónsson	fannar.jonsson@arionbanki.is	444-6962
Hallgrímur Björnsson	hallgrimur.bjornsson@arionbanki.is	444-6818
Kristrún Mjöll Frostadóttir	kristrun.frostadottir@arionbanki.is	444-6911
Þorbjörn Atli Sveinsson	thorbjorn.sveinsson@arionbanki.is	444-6973

Ábyrgðarmaður: Þorbjörn Atli Sveinsson

Fyrirvari

Þær skoðanir og spár sem hér koma fram eru byggðar á almennum upplýsingum sem Greiningardeild Arion banka hefur undir höndum þegar markaðspunktar eru ritaðir. Helstu heimildir eru ársskýrslur, afkomufundir og hluthafafundir auk annarra opinberra upplýsinga sem birst hafa í fjölmiðlum og á öðrum vettvangi. Upplýsingar í umfjöllun eru einungis birtar í upplýsingarskyni og þær ber ekki að skoða sem tilboð á einn eða annan hátt. Skoðanir og spár geta breyst án fyrirvara. Þrátt fyrir að þess sé sérstaklega gætt að upplýsingarnar séu réttar og nákvæmar þegar þær eru settar fram getur Arion banki, eða starfsmenn Arion banka ekki tekið ábyrgð á villum. Vinsamlegast hafið samband við markaðsviðskipti Arion banka eða ráðgjafa áður en gengið er frá viðskiptum sem byggja á þessum markaðspunktum. Arion banki hf. og starfsmenn félagsins taka ekki ábyrgð á því ef að gengi einstakra bréfa sem félagið mælir með kaupum á kunni að lækka og öfugt.

Arion banki, starfsmenn Arion banka, stjórnarmenn eða aðilar tengdir Arion banka kunna að eiga hagsmuna að gæta varðandi einstök félög sem greiningar, verðmatsskýrslur og annað útgáfuefni Greiningardeildar Arion banka lýtur að hverju sinni. Hagsmunir kunna að vera ýmsir t.d. sem hluthafar eða ráðgjafar í einstaka félögum, umsjónaraðilar útboða, viðskiptavaki útgefenda eða hagsmunir sem lúta að annarri veittri fjárfestingabankaþjónustu.

Athugasemdir, ábendingar og fyrirspurnir tengdar markaðspunktum sendist á netfangið greiningardeild@arionbanki.is